

四庫全書

經部

欽定四庫全書

周易圖書管見卷一

詳校官給事中臣丁雲錦

通政使司副使臣莫瞻菴覆勘

總校官降調編修臣倉聖脈

校對官中書臣宋枋遠

謄錄監生臣劉維翰

欽定四庫全書

經部一

周易圖書質疑

易類

提要

臣等謹案周易圖書質疑二十四卷

國朝趙繼序撰繼序號易門休寧人乾隆辛酉
舉人其書以象數言易而不主陳邵河洛之
說謂作圖者本於易而反謂作易者本於圖
其言明確可決千古之疑原本不分卷數首

為古經十二篇次逐節詮釋經義而不載經
文但標卦爻用漢儒經傳別行之例次為圖
三十有二各系以說而終以大衍象數考春
秋傳論易考易通歷數周易考異卦爻類象
又一篇辨吳仁傑本費直本而不立標題列
於周易考異前疑即考異之末簡傳寫顛倒
也今以類相從排比後先定為二十四卷其
宗旨多從卦變起象而兼取漢宋之說持論

頗為平允惟以帝出乎震為夏之連山坤以
藏之為殷之歸藏本程智之說而推衍之未
免曲解夫子所贊周易也豈忽攬說舊法自
亂其例乎乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

提要

欽定四庫全書

周易圖書質疑卷一

休寧趙繼序撰

上經

重乾

中備皆乾

坤

乾卦



乾

元亨利貞

初九

潛龍勿用

九二

見龍在田利見大人

九三

君子終日乾乾夕惕若厲无咎

一九四 或躍在淵无咎

一九五 飛龍在天利見大人

一上九 亢龍有悔

上九 見羣龍无首吉

彖上傳

大哉乾元萬物資始乃統天雲行雨施品物流形大明
終始六位時成時乘六龍以御天乾道變化各正性命
保合太和乃利貞首出庶物萬國咸寧

象上傳

乾下
乾上天行健君子以自彊不息

乾初九潛龍勿用陽在下也

九二見龍在田德施普也

九三終日乾乾反復道也

九四或躍在淵進无咎也

九五飛龍在天大人造也

上九亢龍有悔盈不可久也

用九用九天德不可為首也

坤卦



坤

元亨利牝馬之貞君子有攸往先迷後得主利

西南得朋東北喪朋安貞吉

初六

履霜堅冰至

六二

直方大不習无不利

六三

含章可貞或從王事无成有終

六四

括囊无咎无譽

一六五 黃裳元吉

一上六 龍戰于野其血玄黃

丁 坤 用六 利永貞

至哉坤元萬物資生乃順承天坤厚載物德合无疆含
弘光大品物咸亨牝馬地類行地无疆柔順利貞君子
攸行先迷失道後順得常西南得朋乃與類行東北喪
朋乃終有慶安貞之吉應地无疆

坤下 地勢坤君子以厚德載物

坤初六履霜堅冰陰始凝也馴致其道至堅冰也

六二六二之動直以方也不習无不利地道光也

六三含章可貞以時發也或從王事知光大也

六四括囊无咎慎不害也

六五黃裳元吉文在中也

上六龍戰于野其道窮也

用六用六永貞以大終也

屯卦

震重坎

中備坤艮

鼎

蒙



屯 元亨利貞勿用有攸往利建侯

初九 磐桓利居貞利建侯

六二 屯如遭如乘馬班如匪寇婚媾女子貞不字十

年乃字

六三 即鹿无虞惟入于林中君子幾不如舍往吝

六四 乘馬班如求婚媾往吉无不利

九五 屯其膏小貞吉大貞凶

上六 乘馬班如泣血漣如

屯剛柔始交而難生動乎險中大亨貞雷雨之動滿盈
天造草昧宜建侯而不寧

震下
坎上雲雷屯君子以經綸

屯初九雖磐桓志行正也以貴下賤大得民也

六二六二之難乘剛也十年乃字反常也

六三即鹿无虞以從禽也君子舍之往吝窮也

六四求而往明也

九五屯其膏施未光也

上六泣血漣如何可長也

蒙卦

坎重艮

中備震坤

革

☶

蒙

亨匪我求童蒙童蒙求我初筮告再三瀆瀆則不告利貞

初六 發蒙利用刑人用說桎梏以往吝

九二 包蒙吉納婦吉子克家

六三 勿用取女見金夫不有躬无攸利

六四 困蒙吝

一六五 童蒙吉

一上九 擊蒙不利為寇利禦寇

蒙山下有險險而止蒙蒙亨以亨行時中也匪我求童
蒙童蒙求我志應也初筮告以剛中也再三瀆瀆則不
告瀆蒙也蒙以養正聖功也

坎下
艮上山下出泉蒙君子以果行育德

蒙初六利用刑人以正法也

九二子克家剛柔接也

六三勿用取女行不順也

六四困蒙吝獨遠實也

六五童蒙之吉順以巽也

上九利用禦寇上下順也

需卦

乾重坎 訟 中備兌離

晉



需

有孚光亨貞吉利涉大川

— 初九

需于郊利用恒无咎

— 九二

需于沙小有言終吉

—九三 需于泥致寇至

—六四 需于血出自穴

—九五 需于酒食貞吉

—上六 入于穴有不速之客三人來敬之終吉

需須也險在前也剛健而不陷其義不困窮矣需有孚光亨貞吉位乎天位以正中也利涉大川往有功也

乾下
坎上 雲上于天需君子以飲食宴樂

需初九需于郊不犯難行也利用亨元咎未失常也

九二需于沙行在中也雖小有言以吉終也

九三需于泥災在外也自我致寇敬慎不敗也

六四需于血順以聽也

九五酒食貞吉以中正也

上六不速之客來敬之終吉雖不當位未大失也

訟卦

坎重乾
需

中備雌巽

明夷

䷅

訟

有孚窒惕中吉終凶利見大人不利涉大川

一初六

不永所事小有言終吉

一九二 不克訟歸而逋其邑人三百户无眚

一六三 食舊德貞厲終吉或從王事无成

一九四 不克訟復即命渝安貞吉

一九五 訟元吉

一上九 或錫之鞶帶終朝三褫之

訟上剛下險險而健訟訟有孚窒惕中吉剛來而得中也終凶訟不可成也利見大人尚中正也不利涉大川入于淵也

坎下
乾上
天與水違行訟君子以作事謀始

訟初六不永所事訟不可長也雖小有言其辯明也
九二不克訟歸逋竄也自下訟上患至掇也

六三食舊德從上吉也

九四復即命渝安貞不失也

九五訟元吉以中正也

上九以訟受服亦不足敬也

師卦

比
坎重坤

中備震坤

同人



師

貞丈人吉无咎

一初六 師出以律否臧凶

一九二 在師中吉无咎王三錫命

一六三 師或輿尸凶

一六四 師左次无咎

一六五 田有禽利執言无咎長子帥師弟子輿尸貞凶

一上六 大君有命開國承家小人勿用

師衆也貞正也能以衆正可以王矣剛中而應行險而

順以此毒天下而民從之吉又何咎矣

坎下坤上地中有水師君子以容民畜衆

師初六師出以律失律凶也

九二在師中吉承天寵也王三錫命懷萬邦也

六三師或輿尸大无功也

六四左次无咎未失常也

六五長子帥師以中行也弟子輿尸使不常也

上六大君有命以正功也小人勿用必亂邦也

比卦

坤重坎

中備坤艮

大有

☶☵

比

吉原筮元永貞无咎不寧方來後夫凶

初六

有孚比之无咎有孚盈缶終來有他吉

六二

比之自內貞吉

六三

比之匪人

六四

外比之貞吉

九五

顯比王用三驅失前禽邑人不誡吉

上六

比之无首凶

比吉也比輔也下順從也原筮元永貞无咎以剛中也
不寧方來上下應也後夫凶其道窮也

坤下坎上 地上有水比先王以建萬國親諸侯

比初六比之初六有他吉也

六二比之自內不自失也

六三比之匪人不亦傷乎

六四外比于賢以從上也

九五顯比之吉位正中也舍逆取順失前禽也邑人不

誠上使中也

上六比之无首无所終也

小畜卦

乾重巽

中備兌離

豫

☰

小畜

亨密雲不雨自我西郊

初九

復自道何其咎吉

九二

牽復吉

九三

輿說輻夫妻反目

六四

有孚血六惕出无咎

一九五 有孚攣如富以其鄰

— 上九 既雨既處尚德載婦貞厲月幾望君子征凶

小畜柔得位而上下應之曰小畜健而巽剛中而志行
乃亨密雲不雨尚往也自我西郊施未行也

乾下
巽上 風行天上小畜君子以懿文德

小畜初九復自道其義吉也

九二牽復在中亦不自失也

九三夫妻反目不能正室也

六四有孚惕出上合志也

九五有孚攣如不獨富也

上九既雨既處德積載也君子征凶有所疑也

履卦

兌重乾
小畜

中備離巽

謙

☱☵

履

履虎尾不咥人亨

— 初九

素履往无咎

— 九二

履道坦坦幽人貞吉

— 六三

眇能視跛能履履虎尾咥人凶武人為于大君

九四 履虎尾愬愬終吉

九五 夬履貞厲

上九 視履考祥其旋元吉

履柔履剛也說而應乎乾是以履虎尾不啞人亨剛中正復帝位而不疚光明也

兌下乾上 上天下澤履君子以辯上下定民志

履初九素履之往獨行願也

九二幽人貞吉中不自亂也

六三眈能視不足以有明也跛能履不足以與行也啞人之凶位不當也武人為于大君志剛也

九四愬愬終吉志行也

九五夬履貞厲位正當也

上九元吉在上大有慶也

泰卦

乾重坤
同人

中備兌震

否



泰

小往大來吉亨

一初九

拔茅茹以其彙征吉

一九二 包荒用馮河不遐遺朋亡得尚于中行

一九三 无平不陂无往不復艱貞无咎勿恤其孚于食

有福

一六四 翩翩不富以其鄰不戒以孚

一六五 帝乙歸妹以祉元吉

一上六 城復于隍勿用師自邑告命貞吝

泰小往大來吉亨則是天地交而萬物通也上下交而其志同也內陽而外陰內健而外順內君子而外小人

君子道長小人道消也

乾下坤上天地交泰后以財成天地之道輔相天地之宜以

左右民

泰初九拔茅征吉志在外也

九二包荒得尚于中行以光大也

九三无往不復天地際也

六四翩翩不富皆失實也不戒以孚中心願也

六五以祉元吉中以行願也

上六城復于隍其命亂也

否卦

坤重乾

中備艮巽

泰

☷

否

否之匪人不利君子貞大往小來

初六

拔茅茹以其彙貞吉亨

六二

包承小人吉大人否亨

六三

包羞

九四

有命无咎疇離祉

九五

休否大人吉其亡其亡繫于苞桑

一上九 傾否先否後喜

否之匪人不利君子貞大往小來則是天地不交而萬物不通也上下不交而天下无邦也内陰而外陽内柔而外剛内小人而外君子小人道長君子道消也

坤下 乾上 天地不交否君子以儉德辟難不可榮以祿

否初六拔茅貞吉志在君也

六二大人否亨不亂羣也

六三包羞位不當也

九四有命无咎志行也

九五大人之吉位正當也

上九否終則傾何可長也

同人卦

離重乾
大有

中備巽乾

師

☰☷

同人

同人于野亨利涉大川利君子貞

初九

同人于門无咎

一六二

同人于宗吝

一九三

伏戎于莽升其高陵三歲不興

九四 乘其墉弗克攻吉

九五 同人先號咷而後笑大師克相遇

上九 同人于郊无悔

同人柔得位得中而應乎乾曰同人同人曰同人于野
亨利涉大川乾行也文明以健中正而應君子正也唯
君子為能通天下之志

離下
乾上
天與火同人君子以類族辨物

同人初九出門同人又誰咎也

六二同人于宗吝道也

九三伏戎于莽敵剛也三歲不興安行也

九四乘其墉義弗克也其吉則困而反則也

九五同人之先以中直也大師相遇言相克也

上九同人于郊志未得也

大有卦

乾重離
同人

中備乾兌

比



大有
元亨

一初九
无交害匪咎艱則无咎

一九二 大車以載有攸往无咎

一九三 公用亨于天子小人弗克

一九四 匪其彭无咎

一九五 厥孚交如威如吉

一九九 自天祐之吉无不利

大有柔得尊位大中而上下應之曰大有其德剛健而
文明應乎天而時行是以元亨

乾下
離上
火在天上大有君子以遏惡揚善順天休命

大有初九大有初九无交害也

九二大車以載積中不敗也

九三公用亨于天子小人害也

九四匪其彭无咎明辨哲也

六五厥孚交如信以發志也威如之吉易而无備也

上九大有上吉自天祐也

謙卦

艮重坤

中備坎震

候

☶☵

謙

亨君子有終

自
卷一
初六 謙謙君子用涉大川吉

一六二 鳴謙貞吉

一九三 勞謙君子有終吉

一六四 无不利撝謙

一六五 不富以其鄰利用侵伐无不利

一上六 鳴謙利用行師征邑國

謙亨天道下濟而光明地道卑而上行天道虧盈而益謙地道變盈而流謙鬼神害盈而福謙人道惡盈而好謙

謙尊而光卑而不可踰君子之終也

艮下坤上

地中有山謙君子以裒多益寡稱物平施

謙初六謙謙君子卑以自牧也

六二鳴謙貞吉中心得也

九三勞謙君子萬民服也

六四无不利撝謙不違則也

六五利用侵伐征不服也

上六鳴謙志未得也可用行師征邑國也

豫卦

坤重震

中備艮坎

小畜

䷏ 豫

利建侯行師

初六

鳴豫凶

六二

介于石不終日貞吉

六三

盱豫悔遲有悔

九四

由豫大有得勿疑朋盍簪

六五

貞疾恒不死

上六

冥豫成有渝无咎

豫剛應而志行順以動豫豫順以動故天地如之而况
建侯行師乎天地以順動故日月不過而四時不忒聖
人以順動則刑罰清而民服豫之時義大矣哉

坤下
震上

雷出地奮豫先王以作樂崇德殷薦之上帝以配

祖考

豫初六初六鳴豫志窮凶也

六二不終日貞吉以中正也

六三盱豫有悔位不當也

九四由豫大有得志大行也

六五六五貞疾乘剛也恒不死中未亡也

上六冥豫在上何可長也

隨卦

震重兌

中備艮巽

盞

䷐

隨

元亨利貞无咎

初九

官有渝貞吉出門交有功

一六二

係小子失丈夫

一六三

係丈夫失小子隨有求得利居貞

一 九四 隨有獲貞凶有孚在道以明何咎

一 九五 孚于嘉吉

一 上六 拘係之乃從維之王用亨于西山

隨剛來而下柔動而說隨大亨貞无咎而天下隨時隨時之義大矣哉

震下兌上澤中有雷隨君子以嚮晦入宴息

隨初九官有渝從正吉也出門交有功不失也

六二係小子弗兼與也

六三係丈夫志舍下也

九四隨有獲其義凶也有孚在道明功也

九五孚于嘉吉位正中也

上六拘係之上窮也

蠱卦

巽重艮

中備兌震

隨

䷑

蠱

元亨利涉大川先甲三日後甲三日

一初六

幹父之蠱有子考无咎厲終吉

一九二

幹母之蠱不可貞

九三 幹父之蠱小有悔无大咎

六四 裕父之蠱往見吝

六五 幹父之蠱用譽

上九 不事王侯高尚其事

蠱剛上而柔下巽而止蠱蠱元亨而天下治也利涉大川
往有事也先甲三日後甲三日終則有始天行也

巽下
艮上 山下有風蠱君子以振民育德

蠱初六幹父之蠱意承考也

九二幹母之蠱得中道也

九三幹父之蠱終无咎也

六四裕父之蠱往未得也

六五幹父用譽承以德也

上九不事王侯志可則也

臨卦

兌重坤

中備震坤

遊



臨

元亨利貞至于八月有凶

一 初九 咸臨貞吉

九二 咸臨吉无不利

六三 甘臨无攸利既憂之无咎

六四 至臨无咎

六五 知臨大君之宜吉

上六 敦臨吉无咎

臨剛浸而長說而順剛中而應大亨以正天之道也至
于八月有凶消不久也

兌下
坤上 澤上有地臨君子以教思无窮容保民无疆

臨初九咸臨貞吉志行正也

九二咸臨吉无不利未順命也

六三甘臨位不當也既憂之咎不長也

六四至臨无咎位當也

六五大君之宜行中之謂也

上六敦臨之吉志在内也

觀卦

坤重巽

中備坤艮

大壯



觀

盥而不薦有孚顒若

初六 童觀小人无咎君子吝

六二 闕觀利女貞

六三 觀我生進退

六四 觀國之光利用賓于王

九五 觀我生君子无咎

上九 觀其生君子无咎

大觀在上順而巽中正以觀天下觀盥而不薦有孚顒若下觀而化也觀天之神道而四時不忒聖人以神道

設教而天下服矣

坤下巽上 風行地上觀先王以省方觀民設教

觀初六初六童觀小人道也

六二闕觀女貞亦可醜也

六三觀我生進退未失道也

六四觀國之光尚賓也

九五觀我生觀民也

上九觀其生志未平也

噬嗑卦

震重離

中備艮坎

井



噬嗑

亨利用獄

初九

履校滅趾无咎

六二

噬膚滅鼻无咎

六三

噬腊肉遇毒小吝无咎

九四

噬乾肺得金矢利艱貞吉

六五

噬乾肉得黃金貞厲无咎

上九

何校滅耳凶

頤中有物曰噬嗑。噬嗑而亨。剛柔分動而明。雷電合而章。柔得中而上行。雖不當位。利用獄也。

震下離上 雷電噬嗑。先王以明罰勅法。

噬嗑初九。履校滅趾。不行也。

六二。噬膚滅鼻。乘剛也。

六三。遇毒。位不當也。

九四。利艱貞。吉未光也。

六五。貞厲。无咎。得當也。

上九何校滅耳聰不明也

賁卦

離重艮
噬嗑

中備坎震

困



賁

亨小利有攸往

— 初九

賁其趾舍車而徒

— 六二

賁其須

— 九三

賁如濡如永貞吉

— 六四

賁如皤如白馬翰如匪寇婚媾

— 六五

賁于丘園束帛戔戔吝終吉

—上九
白賁无咎

賁亨柔來而文剛故亨分剛上而文柔故小利有攸往
天文也文明以止人文也觀乎天文以察時變觀乎人
文以化成天下

離下
艮上

山下有火賁君子以明庶政无敢折獄

賁初九舍車而徒義弗乘也

六二賁其須與上興也

九三永貞之吉終莫之陵也

六四六四當位疑也匪寇婚媾終无尤也

六五六五之吉有喜也

上九白賁无咎上得志也

剝卦

坤重艮

中備皆坤

夾

復



剝

不利有攸往

初六

剝牀以足蔑貞凶

六二

剝牀以辨蔑貞凶

六三

剝之无咎

一六四 剝牀以膚凶

一六五 貫魚以宮人寵无不利

一上九 碩果不食君子得輿小人剝廬

剝剝也柔變剛也不利有攸往小人長也順而止之觀象也君子尚消息盈虛天行也

坤下
艮上 山附于地剝上以厚下安宅

剝初六剝牀以足以滅下也

六二剝牀以辨未有與也

六三剝之无咎失上下也

六四剝牀以膚切近災也

六五以宮人寵終无尤也

上九君子得輿民所載也小人剝廬終不可用也

復卦

震重坤

中備皆坤

始



復

亨出入无疾朋來无咎反復其道七日來復利

有攸往

— 初九 不遠復无祇悔元吉

一一六二 休復吉

一一六三 頻復厲无咎

一一六四 中行獨復

一一六五 敦復无悔

一一上六 迷復凶有災眚用行師終有大敗以其國君凶
至于十年不克征

復亨剛反動而以順行是以出入无疾朋来无咎反復其道七日來復天行也利有攸往剛長也復其見天地

之心乎

震下坤上

雷在地中復先王以至日閉關商旅不行后不省

方

復初九不遠之復以脩身也

六二休復之吉以下仁也

六三頻復之厲義无咎也

六四中行獨復以從道也

六五敦復无悔中以自考也

上六迷復之凶反君道也

无妄卦

震重乾
大畜

中借艮巽

升

☰

无妄

元亨利貞其匪正有眚不利有攸往

初九

无妄往吉

六二

不耕獲不菑畲則利有攸往

六三

无妄之災或繫之牛行人之得邑人之災

九四

可貞无咎

九五

无妄之疾勿藥有喜

一上九 无妄行有眚无攸利

无妄剛自外來而為主于內動而健剛中而應大亨以正天之命也其匪正有眚不利有攸往无往之往何之矣天命不祐行矣哉

震下
乾上

天下雷行物與无妄先王以茂對時育萬物

无妄初九无妄之往得志也

六二不耕獲未富也

六三行人得牛邑人災也

九四可貞无咎固有之也

九五无妄之藥不可試也

上九无妄之行窮之災也

大畜卦

乾重艮
无妄

中備兌震

萃



大畜

利貞不家食吉利涉大川

— 初九
有厲利已

— 九二
輿說輟

— 九三
良馬逐利艱貞曰閑輿衛利有攸往

一六四 童牛之牯元吉

一六五 豮豕之牙吉

一上九 何天之衢亨

大畜剛健篤實輝光日新其德剛上而尚賢能止健大
正也不家食吉養賢也利涉大川應乎天也

乾下 天在山中大畜君子以多識前言往行以畜其德
艮上

大畜初九有厲利己不犯災也

九二輿說輟終无尤也

九三利有攸往上合志也

六四六四元吉有喜也

六五五六之吉有慶也

上九何天之衢道大行也

頤卦

震重艮

中備皆坤

大過



頤

貞吉觀頤自求口實

一初九

舍爾靈龜觀我朵頤凶

一一六二

顛頤拂經于丘頤征凶

六三 拂頤貞凶十年勿用无攸利

六四 顛頤吉虎視眈眈其欲逐逐无咎

六五 拂經居貞吉不可涉大川

上九 由頤厲吉利涉大川

頤貞吉養正則吉也觀頤觀其所養也自求口實觀其
自養也天地養萬物聖人養賢以及萬民頤之時大矣
哉

震下 艮上 山下有雷頤君子以慎言語節飲食

頤初九觀我朵頤亦不足貴也

六二六二征凶行失類也

六三十年勿用道大悖也

六四顛頤之吉上施光也

六五居貞之吉順以從上也

上九由頤厲吉大有慶也

大過卦

巽重兌

中備皆乾

頤



大過

棟橈利有攸往亨

初六 藉用白茅无咎

九二 枯楊生稊老夫得其女妻无不利

九三 棟撓凶

九四 棟隆吉有它吝

九五 枯楊生華老婦得其士夫无咎无譽

上六 過涉滅頂凶无咎

大過大者過也棟撓本末弱也剛過而中巽而說行利有攸往乃亨大過之時大矣哉

巽下兌上澤滅木大過君子以獨立不懼遯世无悶

大過初六藉用白茅柔在下也

九二老夫女妻過以相與也

九三棟橈之凶不可以有輔也

九四棟隆之吉不橈乎下也

九五枯楊生華何可久也老婦士夫亦可醜也

上六過涉之凶不可咎也

坎卦

重坎 中備震艮

離



坎
習坎有孚維心亨行有尚

— 初六
習坎入于坎窞凶

— 九二
坎有險求小得

— 六三
來之坎坎險且枕入于坎窞勿用

— 六四
樽酒簋二缶納約自牖終无咎

— 九五
坎不盈祇既平无咎

— 上六
係用徽纆寘于叢棘三歲不得凶

習坎重險也水流而不盈行險而不失其信維心亨乃

以剛中也行有尚往有功也天險不可升也地險山川

丘陵也王公設險以守其國險之時用大矣哉

坎下坎上 水洊至習坎君子以常德行習教事

坎初六習坎入坎失道凶也

九二求小得未出中也

六三來之坎坎終无功也

六四樽酒簋贰剛柔際也

九五坎不盈中未大也

上六上六失道凶三歲也

離卦

重離

中備巽兌

坎



離

利貞亨畜牝牛吉

— 初九

履錯然敬之无咎

— 六二

黃離元吉

— 九三

日昃之離不鼓缶而歌則大耋之嗟凶

— 九四

突如其來如焚如死如棄如

— 六五

出涕沱若戚嗟若吉

一上九 王用出征有嘉折首獲匪其醜无咎

離麗也日月麗乎天百穀草木麗乎土重明以麗乎正
乃化成天下柔麗乎中正故亨是以畜牝牛吉也

離下明兩作離大人以繼明照于四方

離上離初九履錯之敬以辟咎也

六二黃離元吉得中道也

九三日昃之離何可久也

九四突如其來如无所容也

六五六五之吉離王公也

上九王用出征以正邦也

周易圖書質疑卷一

欽定四庫全書

周易圖書質疑卷二

休寧趙繼序撰

下經

咸卦

艮重兌
恒

中備巽乾

損



咸
亨利貞取女吉

——初六
咸其拇

——六二
咸其腓凶居吉

——九三
咸其股執其隨往吝

——九四 貞吉悔亡憧憧往來朋從爾思

——九五 咸其脢无悔

——上六 咸其輔頰舌

象下傳

咸感也柔上而剛下二氣感應以相與止而說男下女是以亨利貞取女吉也天地感而萬物化生聖人感人心而天下和平觀其所感而天地萬物之情可見矣

象下傳

艮下
兌上

山上有澤咸君子以虛受人

咸初六咸其拇志在外也

六二雖凶居吉順不害也

九三咸其股亦不處也志在隨人所執下也

九四貞吉悔亡未感害也憧憧往來未光大也

九五咸其脢志末也

上六咸其輔頰舌滕口說也

恒卦

巽重震

中備乾兌

益



恒

亨无咎利貞利有攸往

— 初六

浚恒貞凶无攸利

— 九二

悔亡

— 九三

不恒其德或承之羞貞吝

— 九四

田无禽

— 六五

恒其德貞婦人吉夫子凶

— 上六

振恒凶

恒久也剛上而柔下雷風相與巽而動剛柔皆應恒恒

亨无咎利貞久于其道也天地之道恒久而不已也利
有攸往終則有始也日月得天而能久照四時變化而
能久成聖人久于其道而天下化成觀其所恒而天地
萬物之情可見矣

巽下
震上雷風恒君子以立不易方

恒初六浚恒之凶始求深也

九二九二悔亡能久中也

九三不恒其德无所容也

九四久非其位安得禽也

六五婦人貞吉從一而終也夫子制義從婦凶也

上六振恒在上大无功也

遯卦

艮重乾
大壯

中備巽乾

臨



遯

亨小利貞

一初六

遯尾厲勿用有攸往

一一六二

執之用黄牛之革莫之勝說

一一九三

係遯有疾厲畜臣妾吉

一九四 好遯君子吉小人否

一九五 嘉遯貞吉

一上九 肥遯无不利

遯亨遯而亨也剛當位而應與時行也小利貞浸而長也遯之時義大矣哉

艮下 天下有山遯君子以遠小人不惡而嚴

遯初六 遯尾之厲不往何災也

六二 執用黄牛固志也

九三係遯之厲有疾憊也畜臣妾吉不可大事也

九四君子好遯小人否也

九五嘉遯貞吉以正志也

上九肥遯无不利无所疑也

大壯卦

乾重震

中備乾兌

觀



大壯
利貞

— 初九 壯于趾征凶有孚

— 九二 貞吉

一九三 小人用壯君子用罔貞厲羝羊觸藩羸其角

一九四 貞吉悔亡藩决不羸壯于大輿之輹

一六五 喪羊于易无悔

一上六 羝羊觸藩不能退不能遂无攸利艱則吉

大壯大者壯也剛以動故壯大壯利貞大者正也正大而天地之情可見矣

乾下
震上
雷在天上大壯君子以非禮弗履

大壯初九壯于趾其孚窮也

九二九二貞吉以中也

九三小人用壯君子罔也

九四藩决不羸尚往也

六五喪羊于易位不當也

上六不能退不能遂不詳也艱則吉咎不長也

晉卦

坤重離
明夷

中備艮坎

需

䷢

晉

康侯用錫馬蕃庶晝日三接

一一初六

晉如摧如貞吉罔孚裕无咎

六二 晉如愁如貞吉受茲介福于其王母

六三 衆允悔亡

九四 晉如鼫鼠貞厲

六五 悔亡失得勿恤往吉无不利

上九 晉其角維用伐邑厲吉无咎貞吝

晉進也明出地上順而麗乎大明柔進而上行是以康侯用錫馬蕃庶晝日三接也

坤下 離上 明出地上晉君子以自昭明德

晉初六晉如摧如獨行正也裕无咎未受命也

六二受茲介福以中正也

六三衆允之志上行也

九四鼫鼠貞厲位不當也

六五失得勿恤往有慶也

上九維用伐邑道未光也

明夷卦

離重坤

中備坎震

訟



明夷

利艱貞

— 初九 明夷于飛垂其翼君子于行三日不食有攸往

主人有言

— 六二 明夷夷于左股用拯馬壯吉

— 九三 明夷于南狩得其大首不可疾貞

— 六四 入于左腹獲明夷之心于出門庭

— 六五 箕子之明夷利貞

— 上六 不明晦初登于天後入于地

明入地中明夷內文明而外柔順以蒙大難文王以之

利艱貞晦其明也內難而能正其志箕子以之

離下坤上明入地中明夷君子以泣衆用晦而明

明夷初九君子于行義不食也

六二六二之吉順以則也

九三南狩之志乃大得也

六四入于左腹獲心意也

六五箕子之貞明不可息也

上六初登于天照四國也後入于地失則也

家人卦

離重巽

中備坎離

解



家人

利女貞

初九

閑有家悔亡

六二

无攸遂在中饋貞吉

九三

家人嗃嗃悔厲吉婦子嘻嘻終吝

六四

富家大吉

九五

王假有家勿恤吉

上九

有孚威如終吉

家人女正位乎內男正位乎外男女正天地之大義也
家人有嚴君焉父母之謂也父父子子兄兄弟弟夫
婦婦而家道正正家而天下定矣

離下
巽上

風自火出家人君子以言有物而行有恒

家人初九閑有家志未變也

六二六二之吉順以巽也

九三家人嗃嗃未失也婦子嘻嘻失家節也

六四富家大吉順在位也

九五王假有家交相愛也

上九威如之吉反身之謂也

睽卦

兌重離
家人

中備離坎

蹇

䷥

睽

小事吉

初九

悔亡喪馬勿逐自復見惡人无咎

九二

遇主于巷无咎

六三

見輿曳其牛掣其人天且剝无初有終

九四

睽孤遇元夫交孚厲无咎

一六五 悔亡厥宗噬膚往何咎

一上九 睽孤見豕負塗載鬼一車先張之弧後說之弧

匪寇婚媾往遇雨則吉

睽火動而上澤動而下二女同居其志不同行說而麗乎明柔進而上行得中而應乎剛是以小事吉天地睽而其事同也男女睽而其事類也睽之時用大矣哉

兌下離上上火下澤睽君子以同而異

睽初九見惡人以辟咎也

九二遇主于巷未失道也

六三見輿曳位不當也无初有終遇剛也

九四交孚无咎志行也

六五厥宗噬膚往有慶也

上九遇雨之吉羣疑亡也

蹇卦

艮重坎

命備坎離

屯



蹇

利西南不利東北利見大人貞吉

一初六 往蹇來譽

一六二 王臣蹇蹇匪躬之故

一六三 往蹇來反

一六四 往蹇來連

一六五 大蹇朋來

一六六 往蹇來碩吉利見大人

蹇難也險在前也見險而能止知矣哉蹇利西南往得中也
不利東北其道窮也利見大人往有功也當位貞吉以正邦也蹇之時用大矣哉

艮下
坎上
山上有水蹇君子以反身修德

蹇初六往蹇來譽宜待也

六二王臣蹇蹇終无尤也

九三往蹇來反內喜之也

六四往蹇來連當位實也

九五大蹇朋來以中節也

上六往蹇來碩志在內也利見大人以從貴也

解卦

坎重震

中備離坎

家人



解

利西南无所往其來復吉有攸往夙吉

初六 无咎

九二 田獲三狐得黃矢貞吉

六三 負且乘致寇至貞吝

九四 解而拇朋至斯孚

六五 君子維有解吉有孚于小人

上六 公用射隼于高墉之上獲之无不利

解險以動動而免乎險解解利西南往得衆也其來復

吉乃得中也。有攸往，夙吉，往有功也。天地解而雷雨作，雷雨作而百果草木皆甲坼，解之時大矣哉。

坎下震上

雷雨作，解。君子以赦過宥罪。

解初六剛柔之際，義无咎也。

九二九二貞吉，得中道也。

六三負且乘，亦可醜也。自我致戎，又誰咎也。

九四解而拇，未當位也。

六五君子有解，小人退也。

上六公用射隼以解悖也

損卦

兌重艮

中備震坤

咸

䷨

損

有孚元吉无咎可貞利有攸往曷之用二簋可
用享

初九

已事遄往无咎酌損之

九二

利貞征凶弗損益之

六三

三人行則損一人一人行則得其友

六四

損其疾使遄有喜无咎

一六五 或益之十朋之龜弗克違元吉

—上九 弗損益之元咎貞吉利有攸往得臣无家

損損下益上其道上行損而有孚元吉无咎可貞利有攸往曷之用二簋可用享二簋應有時損剛益柔有時損益盈虛與時偕行

兌下
艮上山下有澤損君子以懲忿窒欲

損初九已事適往尚合志也

九二九二利貞中以爲志也

六三一人行三則疑也

六四損其疾亦可喜也

六五六五元吉自上祐也

上九弗損益之大得志也

益卦

震重巽

中備坤艮

恒



益

利有攸往利涉大川

一 初九

利用為大作元吉无咎

一 六二

或益之十朋之龜弗克違永貞吉王用享于帝

吉

一六三 益之用凶事无咎有孚中行告公用圭

一六四 中行告公從利用為依遷國

一九五 有孚惠心勿問元吉有孚惠我德

一上九 莫益之或擊之立心勿恒凶

益損上益下民說无疆自上下下其道大光利有攸往
中正有慶利涉大川木道乃行益動而巽日進无疆天
施地生其益无方凡益之道與時偕行

震下巽上 風雷益君子以見善則遷有過則改

益初九元吉无咎下不厚事也

六二或益之自外來也

六三益用凶事固有之也

六四告公從以益志也

九五有孚惠心勿問之矣惠我德大得志也

上九莫益之偏辭也或擊之自外來也

夬卦

乾重兌

中備皆乾

剝

姤



夫揚于王庭乎號有厲告自邑不利即戎利有攸

往

— 初九

壯于前趾往不勝為咎

— 九二

惕號莫夜有戎勿恤

— 九三

壯于頄有凶君子夫夫獨行遇雨若濡有愠无

咎

— 九四

臀无膚其行次且牽羊悔亡聞言不信

— 九五

苋陸夬夬中行无咎

一上六 无號終有凶

夬決也剛決柔也健而說決而和揚于王庭柔乘五剛也孚號有厲其危乃光也告自邑不利即戎所尚乃窮也利有攸往剛長乃終也

乾下兌上澤上于天夬君子以施祿及下居德則忌

夬初九不勝而往咎也

九二有戎勿恤得中道也

九三君子夬夬終无咎也

九四其行次且位不當也聞言不信聰不明也

九五中行无咎中未光也

上六无號之凶終不可長也

姤卦

巽重乾

中備皆乾

復

䷫

姤

女壯勿用取女

一初六 繫于金柅貞吉有攸往見凶羸豕孚蹢躅

一九二 包有魚无咎不利賓

一九三 臀无膚其行次且厲无大咎

一九四 包无魚起凶

一九五 以杞包瓜含章有隕自天

上九 姤其角吝无咎

姤遇也柔遇剛也勿用取女不可與長也天地相遇品物咸章也剛遇中正天下大行也姤之時義大矣哉

巽下 天下有風姤后以施命誥四方

乾上 姤初六繫于金柅柔道牽也

九二包有魚義不及實也

九三其行次且行未牽也

九四无魚之凶遠民也

九五九五含章中正也有隕自天志不舍命也

上九姤其角上窮吝也

萃卦

坤重兌

中備艮巽

大畜

䷬

萃

亨王假有廟利見大人亨利貞用大牲吉利有

攸往

一初六 有孚不終乃亂乃萃若號一握為笑勿恤往无

咎

一六二 引吉无咎孚乃利用禴

一六三 萃如嗟如无攸利往无咎小吝

一九四 大吉无咎

一九五 萃有位无咎匪孚元永貞悔亡

一上六 齋咨涕洟无咎

萃聚也順以說剛中而應故聚也王假有廟致孝享也
利見大人亨聚以正也用大牲吉利有攸往順天命也

觀其所聚而天地萬物之情可見矣

坤下
兌上

澤上于地萃君子以除戎器戒不虞

萃初六乃亂乃萃其志亂也

六二引吉无咎中未變也

六三往无咎上巽也

九四大吉无咎位不當也

九五萃有位志未光也

上六齋咨涕洟未安上也

升卦

巽重坤

中備兌震

无妄

萃

䷭

升

元亨用見大人勿恤南征吉

— 初六

允升大吉

— 九二

孚乃利用禴无咎

— 九三

升虚邑

— 六四

王用亨于岐山吉无咎

— 六五

貞吉升階

— 上六

冥升利于不息之貞

柔以時升巽而順剛中而應是以大亨用見大人勿恤
有慶也南征吉志行也

巽下坤上

地中生木升君子以順德積小以高大

升初六允升大吉上合志也

九二九二之孚有喜也

九三升虛邑无所疑也

六四王用亨于岐山順事也

六五貞吉升階大得志也

上六冥升在上消不富也

困卦

坎重兌

中備離巽

賁



困

亨貞大人吉无咎有言不信

一初六

臀困于株木入于幽谷三歲不覿

一九二

困于酒食朱紱方來利用亨祀征凶无咎

一一六三

困于石據于蒺藜入于其宮不見其妻凶

一九四

來徐徐困于金車吝有終

一九五

劓刖困于赤紱乃徐有說利用祭祀

一上六 困于葛藟于臲卼曰動悔有悔征吉

困剛揜也險以說困而不失其所亨其惟君子乎貞大人吉以剛中也 有言不信尚口乃窮也

坎下兌上 澤无水困君子以致命遂志

困初六入于幽谷幽不明也

九二困于酒食中有慶也

六三據于蒺藜乘剛也入于其宮不見其妻不祥也

九四來徐徐志在下也雖不當位有與也

九五剝削志未得也乃徐有說以中直也利用祭祀受福也
上六困于葛藟未當也動悔有悔吉行也

井卦

巽重坎

中備亢離

噬嗑

䷯

井

改邑不改井无喪无得往來井井汔至亦未繙
井羸其瓶凶

初六

井泥不食舊井无禽

九二

井谷射鮒甕敝漏

九三

井渫不食為我心恻可用汲王明並受其福

六四 井甃无咎

九五 井冽寒泉食

上六 井收勿幕有孚元吉

巽乎水而上水井井養而不窮也改邑不改井乃以剛中也汔至亦未繙井未有功也羸其瓶是以凶也

巽下坎上 木上有水井君子以勞民勸相

井初六井泥不食下也舊井无禽時舍也

九二井谷射鮒无與也

九三井渫不食行恻也求王明受福也

六四井甃无咎脩井也

九五寒泉之食中正也

上六元吉在上大成也

革卦

離重兌

中備巽乾

蒙

䷰

革

己日乃孚元亨利貞悔亡

初九

鞶用黃牛之革

六二

己日乃革之征吉无咎

— 九三 征凶貞厲革言三就有孚

— 九四 悔亡有孚改命吉

— 九五 大人虎變未占有孚

— 上六 君子豹變小人革面征凶居貞吉

革水火相息二女同居其志不相得曰革已日乃孚革而信之文明以說大亨以正革而當其悔乃亡天地革而四時成湯武革命順乎天而應乎人革之時大矣哉

離下
兌上
澤中有火革君子以治歷明時

革初九鞶用黃牛不可以有為也

六二已日革之行有嘉也

九三革言三就又何之矣

九四改命之吉信志也

九五大人虎變其文炳也

上六君子豹變其文蔚也小人革面順以從君也

鼎卦

巽重離

中備乾兌

屯



鼎

元吉亨

初六 鼎顛趾利出否得妾以其子无咎

九二 鼎有實我仇有疾不我能即吉

九三 鼎耳革其行寒雉膏不食方雨虧悔終吉

九四 鼎折足覆公餗其形渥凶

六五 鼎黃耳金鉉利貞

上九 鼎玉鉉大吉无不利

鼎象也以木巽火亨飪也聖人亨以享上帝而大亨以養聖賢巽而耳目聰明柔進而上行得中而應乎剛是以元亨

巽下
離上 木上有火鼎君子以正位凝命

鼎初六鼎顛趾未悖也利出否以從貴也

九二鼎有實慎所之也我仇有疾終无尤也

九三鼎耳革失其義也

九四覆公餗信如何也

六五鼎黃耳中以為實也

上九玉鉉在上剛柔節也

震卦

重震 中備艮坎

巽 艮



震

亨震來虩虩笑言啞啞震驚百里不喪匕鬯

初九

震來虩虩後笑言啞啞吉

六二

震來厲億喪貝躋于九陵勿逐七日得

六三

震蘇蘇震行无眚

九四

震遂泥

一六五

震往來厲億无喪有事

上六

震索索視矍矍征凶震不于其躬于其鄰无咎

婚媾有言

震亨震來虩虩恐致福也笑言啞啞後有則也震驚百里驚遠而懼邇也出可以守宗廟社稷以為祭主也

震下
震上洊雷震君子以恐懼脩省

震初九震來虩虩恐致福也笑言啞啞後有則也

六二震來厲乘剛也

六三震蘇蘇位不當也

九四震遂泥未光也

六五震往來厲危行也其事在中大无喪也

上六震索索中未得也雖凶无咎畏鄰戒也

艮卦

重艮

中備坎震

兌

震



艮

其背不獲其身行其庭不見其人无咎

一初六

艮其趾无咎利永貞

一六二

艮其腓不拯其隨其心不快

一九三

艮其限列其夤厲薰心

一六四

艮其身无咎

一一六五

艮其輔言有序悔亡

上九 敦艮吉

艮止也時止則止時行則行動靜不失其時其道光明
艮其止止其所也上下敵應不相與也是以不獲其身
行其庭不見其人无咎也

艮下
艮上兼山艮君子以思不出其位

艮初六艮其趾未失正也

六二不拯其隨未退聽也

九三艮其限危薰心也

六四艮其身止諸躬也

六五艮其輔以中正也

上九敦艮之吉以厚終也

漸卦

艮重巽
同

中備坎離

歸妹



漸

女歸吉利貞

——初六 鴻漸于干小子厲有言无咎

——初二 鴻漸于磐飲食衎衎吉

——九三 鴻漸于陸夫征不復婦孕不育凶利禦寇

一六四 鴻漸于木或得其桷无咎

一九五 鴻漸于陵婦三歲不孕終莫之勝吉

一上九 鴻漸于陸其羽可用為儀吉

漸之進也女歸吉也進得位往有功也進以正可以正邦也其位剛得中也止而巽動不窮也

艮下巽上 山上有木漸君子以居賢德善俗

漸初六小子之厲義无咎也

六二飲食衎衎不素飽也

九三夫征不復離羣醜也婦孕不育失其道也利用禦寇順相保也

六四或得其桷順以巽也

九五終莫之勝吉得所願也

上九其羽可用為儀吉不可亂也

歸妹卦

兌重震

中備離坎

漸



歸妹

征凶无攸利

一初九 歸妹以娣跛能履征吉

九二 眇能視利幽人之貞

六三 歸妹以須反歸以娣

九四 歸妹愆期遲歸有時

六五 帝乙歸妹其君之袂不如其娣之袂良月幾望
吉

上六 女承筐无實士刲羊无血无攸利

歸妹天地之大義也天地不交而萬物不興歸妹人之
終始也說以動所歸妹也征凶位不當也无攸利柔乘

剛也

兌下
震上

澤上有雷歸妹君子以永終知儆

歸妹初九歸妹以娣以恒也跛能履吉相承也

九二利幽人之貞未變常也

六三歸妹以須未當也

九四愆期之志有待而行也

六五帝乙歸妹不如其娣之袂良也其位在中以貴行

也

上六上六无實承虛筐也

豐卦

離重震

中借巽兌

渙

䷶

豐

亨王假之勿憂宜日中

初九

遇其配主雖旬无咎往有尚

六二

豐其蔀日中見斗往得疑疾有孚發若吉

九三

豐其沛日中見沫折其右肱无咎

九四

豐其蔀日中見斗遇其夷主吉

六五

來章有慶譽吉

一上六 豐其屋蔀其家闕其戶闕其无人三歲不覿凶
豐大也明以動故豐王假之尚大也勿憂宜日中宜照
天下也日中則昃月盈則食天地盈虛與時消息而况
于人乎况于鬼神乎

離下
震上

雷電皆至豐君子以折獄致刑

豐初九雖旬无咎過旬災也

六二有孚發若信以發志也

九三豐其沛不可大事也折其右肱終不可用也

九四豐其蔀位不當也日中見斗幽不明也遇其夷主
吉行也

六五六五之吉有慶也

上六豐其屋天際翔也闕其戶闕其无人自藏也

旅卦

艮重離

中備巽兌

節



旅

小亨旅貞吉

一初六

旅瑣瑣斯其所取災

一一六二

旅即次懷其資得童僕貞

— 九三 旅焚其次喪其童僕貞厲

— 九四 旅于處得其資斧我心不快

— 六五 射雉一矢亡終以譽命

— 上九 鳥焚其巢旅人先笑後號咷喪牛于易凶

旅小亨柔得中乎外而順乎剛止而麗乎明是以小亨
旅貞吉也旅之時義大矣哉

艮下 離上 山上有火旅君子以明慎用刑而不留獄

旅初六旅瑣瑣志窮災也

六二得童僕貞終无尤也

九三旅焚其次亦以傷矣以旅與下其義喪也

九四旅于處未得位也得其資斧心未快也

六五終以譽命上逮也

上九以旅在上其義焚也喪牛于易終莫之聞也

巽卦

重巽

中備兌離

震

兌



巽

小亨利有攸往利見大人

一初六

進退利武人之貞

九二 巽在牀下用史巫紛若吉无咎

九三 頻巽吝

六四 悔亡田獲三品

九五 貞吉悔亡无不利无初有終先庚三日後庚三

日吉

上九 巽在牀下喪其資斧貞凶

重巽以申命剛巽乎中正而志行柔皆順乎剛是以小
亨利有攸往利見大人

巽下 隨風巽君子以申命行事
巽上

巽初六進退志疑也利武人之貞志治也

九二紛若之吉得中也

九三頻巽之吝志窮也

六四田獲三品有功也

九五九五之吉位正中也

上九巽在牀下上窮也喪其資斧正乎凶也

兌卦

重兌

中備離巽

艮

巽



兌
亨利貞

— 初九
和兌吉

— 九二
孚兌吉悔亡

— 六三
來兌凶

— 九四
商兌未寧介疾有喜

— 九五
孚于剝有厲

— 上六
引兌

兌說也剛中而柔外說以利貞是以順乎天而應乎人

說以先民民忘其勞說以犯難民忘其死說之大民勸
矣哉

兌下麗澤兌君子以朋友講習

兌初九和兌之吉行未疑也

九二孚兌之吉信志也

六三來兌之凶位不當也

九四九四之喜有慶也

九五孚于剝位正當也

上六上六引兌未光也

渙卦

坎重巽

中備震艮

豐



渙

亨王假有廟利涉大川利貞

初六

用拯馬壯吉

九二

渙奔其机悔亡

六三

渙其躬无悔

六四

渙其羣元吉渙有丘匪夷所思

六五

渙汗其大號渙王居无咎

一上九渙其血去逖出无咎

渙亨剛來而不窮柔得位乎外而上同王假有廟王乃在中也利涉大川乘木有功也

坎下巽上風行水上渙先王以亨于帝立廟

渙初六初六之吉順也

九二渙奔其机得願也

六三渙其躬志在外也

六四渙其羣元吉光大也

九五王居无咎正位也

上九渙其血遠害也

節卦

兌重坎

中備震艮

旅



節

亨苦節不可貞

初九 不出戶庭无咎

九二 不出門庭凶

六三 不節若則嗟若无咎

六四 安節亨

一九五 甘節吉往有尚

一上六 苦節貞凶悔亡

節亨剛柔分而剛得中苦節不可貞其道窮也說以行險當位以節中正以通天地節而四時成節以制度不傷財不害民

兌下坎上澤上有水節君子以制數度議德行

節初九不出戶庭知通塞也

九二不出門庭凶失時極也

六三不節之嗟又誰咎也

六四安節之亨承上道也

九五甘節之吉居位中也

上六苦節貞凶其道窮也

中孚卦

兌重巽

中備震艮

小過



中孚

豚魚吉利涉大川利貞

一初九 虞吉有他不燕

一九二 鳴鶴在陰其子和之我有好爵吾與爾靡之

一六三 得敵或鼓或罷或泣或歌

一六四 月幾望馬匹亡无咎

一九五 有孚攣如无咎

一九九 翰音登于天貞凶

中孚柔在內而剛得中說而巽孚乃化邦也豚魚吉信及豚魚也利涉大川乘木舟虛也中孚以利貞乃應乎天也

兌下 巽上 澤上有風中孚君子以議獄緩死

中孚初九初九虞吉吉未變也

九二其子和之中心願也

六三或鼓或罷位不當也

六四馬匹亡絕類上也

九五有孚攣如位正當也

上九翰音登于天何可長也

小過卦

艮重震

中備巽兌

中孚



小過

亨利貞可小事不可大事飛鳥遺之音不宜

上宜下大吉

一初六 飛鳥以凶

一一六二 過其祖遇其妣不及其君遇其臣无咎

一一九三 弗過防之從或戕之凶

一一九四 无咎弗過遇之往厲必戒勿用永貞

一一六五 密雲不雨自我西郊公弋取彼在穴

一一上六 弗遇過之飛鳥離之凶是謂災眚

小過小者過而亨也過以利貞與時行也柔得中是以

小事吉也剛失位而不中是以不可大事也有飛鳥之象焉飛鳥遺之音不宜上宜下大吉上逆而下順也

良下
震上

山上有雷小過君子以行過乎恭喪過乎哀用過

乎儉

小過初六飛鳥以凶不可如何也

六二不及其君臣不可過也

九三從或戕之凶如何也

九四弗過遇之位不當也往厲必戒終不可長也

六五密雲不雨已上也

上六弗遇過之已亢也

既濟卦

離重坎

中備坎離

未濟

同



既濟

亨小利貞初吉終亂

初九

曳其輪濡其尾无咎

六二

婦喪其茀勿逐七日得

九三

高宗伐鬼方三年克之小人勿用

六四

繻有衣袽終日戒

一九五 東鄰殺牛不如西鄰之禴祭實受其福

一上六 濡其首厲

既濟亨小者亨也利貞剛柔正而位當也初吉柔得中也終止則亂其道窮也

離下坎上 水在火上既濟君子以思患而豫防之

既濟初九曳其輪義无咎也

六二七日得以中道也

九三三年克之憊也

六四終日戒有所疑也

九五東鄰殺牛不如西鄰之時也實受其福吉大來也
上六濡其首厲何可久也

未濟卦

坎重離

中備離坎

既濟



未濟

亨小狐汔濟濡其尾无攸利

初六 濡其尾吝

九二 曳其輪貞吉

六三 未濟征凶利涉大川

一四 貞吉悔亡震用伐鬼方三年有賞于大國

一六五 貞吉无悔君子之光有孚吉

一上九 有孚于飲酒无咎濡其首有孚失是

未濟亨柔得中也小狐汔濟未出中也濡其尾无攸利
不續終也雖不當位剛柔應也

坎下 火在水上未濟君子以慎辨物居方
離上

未濟初六濡其尾亦不知極也


九二九二貞吉中以行正也

六三未濟征凶位不當也

九四貞吉悔亡志行也

六五君子之光其暉吉也

上九飲酒濡首亦不知節也



周易圖書質疑卷二